

**Bosna i Hercegovina**  
**Federacija Bosne i Hercegovine**  
**Zeničko-dobojski kanton**  
**OPĆINA VAREŠ**  
**OPĆINSKO VIJEĆE**



**Broj: 01-300/13**  
**Vareš, 29.10. 2013. godine**

**Z A P I S N I K**  
**s 11. sjednice Općinskog vijeća Vareš,**  
**održane 26.09. 2013. godine**

Zdravko Marošević – predsjedavajući Općinskog vijeća Vareš, otvorio je 11. sjednicu s početkom u 16,00 sati, u velikoj sali Općine Vareš.

Izvršena je prozivka vijećnika.

**Prisutni vijećnici:** Ismet Abdulahović, Boško Andrić, Zdravko Barkić, Mahira Brkić, Tajiba Brkić, Almir Ciriković, Asmir Čizmo, Zdenko Franjić, Emir Islamović, Kenan Kamenjaš, Demo Kevrić, Zdravko Marošević, Mario Mirčić, Safeta Muftić, Mato Pavić, Elvir Rožajac, Jasmin Salketić, Goran Selak i Nikola Šimić.

**Odsutni** – Nema.

Pored vijećnika sjednici prisustvuju: Općinski načelnik – Avdija Kovačević, sekretar Općinskog vijeća - Leon Pavlović, šef kabineta općinskog načelnika – Ibrahim Spahić, pomoćnici općinskog načelnika, ispred Službe za privredu i finansije – Dragan Orozović i Brano Šurkić, poslanik u Skupštini ZDK – Fahrudin Brkić, predsjednici političkih stranaka, direktorica JU Centar za socijalni rad Vareš – Nihada Gondžo, profesor Nezir Tanović, direktor JKP d.o.o. Vareš – Zafer Kamenjaš, direktor BBM-VAREŠ d.o.o. Vareš – Izudin Sjerotanović, direktor Perun d.o.o. Vareš – Senad Čatović, predstavnik OSCE-a Terenski ured Zenica – Dragan Vuković, predstavnici MZ Neprivaj – Čigura Kasim i Redžo Ferid i drugi gosti.

Sekretar OV Leon Pavlović izvijestio je Vijeće o realizaciji Zaključaka sa 10. sjednice OV održane 31.07.2013. godine. Na 10. sjednici OV donesena su dva (2) Zaključaka, koja su i realizovana i postavljeno je šest (6) vijećničkih pitanja. Na pet (5) vijećničkih pitanja, nadležni su dostavili pismeni odgovor, dok za jedno (1) vijećničko pitanje nema pismenog odgovora.

Općinski načelnik Avdija Kovačević u okviru aktualne problematike na području općine Vareš upoznao je prisutne o dešavanjima za protekli period. Po preporuci razvojne agencije Švedske ambasade (SIDA) održana je radna posjeta od strane firme koja je zadužena da se krene u implementaciju određenih projekata koji podrazumijevaju sanaciju postojećih smetlišta (divljih deponija). Općinu Vareš podsjetio je kantonalni ministar za boračka pitanja koji nas je informisao o stanju budžeta ZDK-a i upoznao sa dinamikom kako i na koji način se planira da se određena zaostala potraživanja od strane Općine Vareš implementiraju prema Općini. Formirana je, odnosno organizirana je konstituirajuća sjednica Skupštine JP ŠPD Vareš i Olovo i doneseni su određeni zaključci. U oktobru mjesecu, na osnovu tih zaključaka

**adresa:** Zvijezda 34, 71330 Vareš  
**identifikacijski broj:** 4218285300002  
**depozitni račun Unicredit banka:**  
3380002210017420

**tel.:** 00387 32 848 100;  
**fax:** 00387 32 848 150;  
**web:** www.vares.info  
**e-mail:** vares@bih.net.ba



održat će se druga redovna sjednica Skupštine, te na osnovu ovlaštenja iz Zakona i Odluka koje su u jedinstvenoj formi donijela Općinska vijeća Vareš i Olovo, poslat će se zahtjev postojećem JP ŠPD ZDK da se krene u diobeni bilans. Također je upoznao prisutne o značajnim urađenim investicijama i onim investicijama koje su u toku. Urađen je put na Selištu, jedan dio kvalitetno a jedan nije i on se treba do zime popraviti, u Benićima preko puta MPM pekare u toku je izgradnja parking prostora (50% sredstava je učešće MPM-a a 50% Općine Vareš). U toku je investicija oko izgradnje jednog dijela putnog pravca u Očeviji, finansira se iz vlastitih sredstava i ta sredstva nisu dovoljna, ali po obećanju premijera gosp. Nermina Nikšića, obezbjedit će se i dodatna sredstva. U toku je investicija asfaltiranja lokalnog puta u mjesnoj zajednici Ravne, projekat se finansira iz Ministarstva za izbjegla i raseljena lica u koordinaciji sa drugim ministarstvima. Završetak radova se očekuje ubrzo. U Vareš Majdanu planirano je da se napravi jedna petlja, da se izvrši rekonstrukcija postojeće putne mreže, tu ima primjedbi na ponašanje izvođača radova TB inženjering iz Breze, (finansiranje investicije je osigurano iz obaveza „Jate“ (cesija) prema Općini Vareš. Dio putnog pravca od Križa do Borovice je djelomično saniran. U MZ Ravne se uz pomoć donatora i prijatelja, krenulo u obnovu spomenika šehidima Ravni (dodatna sredstva u iznosu od 4.000 KM su osigurana od donatora). Također je izvijestio prisutne da su sredstva obezbjeđena i da će se do zime investirati u dionicu puta na Pržičima. Urađen je spisak osoba, zajedno sa priložima od strane naše Službe za izbjegla i raseljena lica, koji će se dostaviti nadležnom ministarstvu FBiH, gdje bi trebalo po tom osnovu da se za pojedine korisnike, koji su imali svoje određene primjedbe na obnovu svojih kuća, dodijele novčana sredstva u iznosu do 3.000 KM. Mi smo to radili na osnovu obećanja resornog ministra gosp. Adila Osmanovića, koji je prilikom posjete našoj općini, to i obećao. Na predzadnjoj sjednici Vlade FBiH, općini Vareš su iz akumulirane dobiti GSM licence, odobrena sredstva (300.000 KM) koja će biti direktno transferirana na budžet Općine Vareš. Općina Vareš će raspisati tender, te početi sa radovima dionice puta od raskršća u Pogari prema Dragovićima. Za taj dio puta postoji dokumentacija, dok za dio puta od Luka do Kraljeve Sutjeske mi nemamo nikakvu tehničku dokumentaciju niti odluke. Prema nezvaničnim informacijama, iz sredstava pomoći Republike Hrvatske, a na osnovu našeg projekta koji smo podnijeli u ime MZ Borovica, bit će odobrena sredstva za investiciju na putu za Luke, tako da će se možda do kraja iduće godine uraditi i taj put. Općinski načelnik upoznao je prisutne da je jučer imao prijem kod premijera Vlade FBiH na kome su dogovorene određene operativne stvari, te da je odobrio sredstva u iznosu od 2.500 KM za obilježavanje 20-e godišnjice komemoracije u Stupnom Dolu. Prisutne je upoznao i sa planiranim službenim putovanjima u Kraljevinu Švedska i Kinu. Na službeni poziv grada Flena i resornog ministarstva Kraljevine Švedske zakazano je putovanje u trajanju od 28. 09 do 03.10. 2013 godine, gdje će između ostalog biti prezentirani određeni projekti. U vremenu od 17.10. do 22.10. 2013 godine planirano je putovanje u Kinu gdje bi se trebao napraviti prvi draft ugovora koji bi podrazumijevao investiciono ulaganje od 2.500.000 eura na prostore današnje Ponikve, a to bi trebao biti početak izgradnje jedne tvornice pločastog namještaja. Također je Općinski načelnik upoznao prisutne da je na osnovu Odluke Općinskog vijeća, imenovana Komisija za izradu i dopunu Pravilnika o unutrašnjoj organizaciji i sistematizaciji radnih mjesta u Općini Vareš. Na kraju, Općinski načelnik je u cilju dosadašnjih korektnih odnosa i sveukupnog razumijevanja koje postoji između Općinskog vijeća i Jedinственog općinskog organa, pozvao sve da na jedan civilizovan, dostojanstven i krajnje korektan način obilježimo 20 godina zločina koji se desio na Stupnom Dolu, te naglasio da i na svim drugim mjestima za koje smatramo da treba to isto da uradimo, da to učinimo zajednički i na najbolji način.

## *(Vijećnička pitanja)*

### **Demo Kevrić**

1. Da li postoji kakva mogućnost za obezbjeđenje finansijskih sredstava sa višeg nivoa bilo to Kanton ili Federacija ili nekih drugih izvora finansiranja za realizaciju ovog akcionog programa (kojeg smo mi usvojili tada 2012. za 2013. godinu), djelimično ili barem u potpunosti. Ako postoji kakva mogućnost da se na tome šta uradi. (dionica puta Striježevo – Kokošćići u dužini 3 kilometra)?

### **Elvir Rožajac**

2. Traži od nadležne Službe da utiče na više nivoe vlasti vezano za prekategoriizaciju puteva Zvijezda-Šimin potok-Nišići.

Predsjedavajući OV skrenuo je pažnju vijećnicima da u sklopu ove tačke postavljaju samo konkretna vijećnička pitanja.

### **Ismet Abdulahović**

3. Mogućnost intervencije u MZ Dabravine od pasa lotalica, jer najavljeno je da ljudi neće slati djecu u školu u drugoj smjeni, to su mala djeca. Obzirom da je bilo već dva ujeda, ako može sto prije da se aktuelizira?

Za riječ se javio Općinski načelnik koji je na osnovu postavljenog vijećničkog pitanja vijećnika Elvira Rožajac dao usmeni odgovor: da se radi na prekategoriizaciji puteva, dobili smo nulti prioritet od strane resornog ministarstva Vlade ZDK. Potrebno je da se urade određene stvari na nivou Vlade FBiH, odnosno resornog ministarstva. Veliki smo optimisti, jer bi to za nas značilo na godišnjem nivou, manje troškova (oko 50.000 KM), da se taj put proglasi regionalnim putem

Odgovor je dao i na postavljeno pitanje vijećnika Đeme Kevrić: po svim mogućim standardima, dionica puta Striježevo-Kokošćići, ako bismo je radili po standardima, koštala bi ovog momenta najmanje 500.000 KM. Činjenica je da je nulti prioritet, ali je također činjenica da mi za ovu godinu nismo mogli da obezbjedimo 500.000 KM za asfaltiranje tog puta. On i dalje ostaje nulta kategorija, a zašto smo se preorjentisali za druge puteve, stvar je pragmatizma. Struka kaže da je dionica puta od Kokošćića do Striježava više ekonomsko nego političko ili neko drugo pitanje, jer mi imamo alternativne odlaske i prema Striježevu i prema Kokošćićima sa asfaltiranim putevima, zapravo s racionalnog ekonomskog aspekta to bi bio trošak.

Također je Općinski načelnik napomenuo da je potpisan ugovor u vezi investiranja lokalnog pravca Boguni u iznosu od 120.000 KM (60.000 KM finansira Vlada FBiH, 40.000 KM resorno ministarstvo ZDK i 20.000 Općina Vareš).

### **Zdenko Franjić**

4. Zašto Općina ne vrši uplatu sredstava koja pripadaju političkim strankama?

Predsjedavajući OV stavio je na raspravu Zapisnik sa 10. sjednice OV.

Nije bilo primjedbi i predsjedavajući OV stavio je na izjašnjavanje Zapisnik sa 10. sjednice OV, te nakon izjašnjavanja vijećnika konstatovao da je **Zapisnik sa 10. sjednice OV jednoglasno usvojen.**

Predsjedavajući OV stavio je na raspravu Zapisnik sa 1. Svečane sjednice Općinskog vijeća Vareš u povodu Dana općine Vareš.

Nije bilo primjedbi i predsjedavajući OV stavio je na izjašnjavanje Zapisnik sa 1. Svečane sjednice Općinskog vijeća Vareš u povodu Dana općine Vareš 16.08. 2013, te nakon izjašnjavanja vijećnika konstatovao da je **Zapisnik sa 1. Svečane sjednice Općinskog vijeća Vareš u povodu Dana općine Vareš jednoglasno usvojen.**

Predsjedavajući OV stavio je na raspravu prijedlog dnevnog reda za 11. sjednicu OV.

Za riječ se javio Općinski načelnik i predložio izmjenu dnevnog reda 11. sjednice, u smislu da se tačka 8. Nacrt Strategije razvoja poljoprivrede općine Vareš (2014-2018), razmatra pod tačkom 1. dnevnog reda, o čemu je dao i objašnjenje.

Predsjedavajući OV stavio je na izjašnjavanje prijedlog za izmjenu dnevnog reda 11. sjednice i nakon izjašnjavanja vijećnika konstatuje da je prijedlog izmjene dnevnog reda 11. sjednice **jednoglasno usvojen.**

Zaključena je rasprava i predsjedavajući OV stavio je na izjašnjavanje prijedlog dnevnog reda za 11. sjednicu OV sa usvojenom izmjenom, te nakon izjašnjavanja vijećnika konstatovao da je **jednoglasno usvojen s l i j e d e ć i**

#### *D n e v n i r e d*

1. **Nacrt Strategije razvoja poljoprivrede općine Vareš (2014-2018).**
2. **Nacrt Odluke o usvajanju Strategije razvoja i unapređenja socijalne zaštite za period 2013.-2016. godina.**
3. **Prijedlog dopunske Odluke o utvrđivanju povučene-obnovljene granične linije između šume i šumskog zemljišta i poljoprivrednog zemljišta, u katastarskoj općini Blaža.**
4. **Nacrt Odluke o organizaciji i radu dimnjačarske djelatnosti.**
5. **Prijedlog Rješenja kojim se utvrđuje pravo korištenja građevinskog zemljišta, Društvu za ugostiteljstvo, promet i turizam „Perun“ d.o.o. Vareš.**
6. **Prijedlog Rješenja o razrješenju predsjednika i članova Skupštine Javnog preduzeća:**
  - a. **Skupštine Javnog komunalnog preduzeća d.o.o. Vareš**
  - b. **Skupštine JP „Vareš-stan“ d.o.o. Vareš**
  - c. **Skupštine JP Veterinarska stanica d.o.o. Vareš**
7. **Prijedlog Rješenja o imenovanju vršioca dužnosti predsjednika i članova Skupštine Javnog preduzeća:**
  - a. **Skupštine Javnog komunalnog preduzeća d.o.o. Vareš**
  - b. **Skupštine JP „Vareš-stan“ d.o.o. Vareš**
  - c. **Skupštine JP Veterinarska stanica d.o.o. Vareš**

8. **Donošenje Rješenja o imenovanju člana Općinske izborne komisije.**
9. **Izvještaj/Izvješće o izvršenju budžeta/proračuna Općine Vareš za period januar/siječanj-juni/lipanj 2013. godine.**
10. **Izvještaj o realizaciji Odluke općinskog fonda za vatrogastvo u 2012. godini.**
11. **Informacija o vodoopskrbi i odvozu smeća na području općine Vareš i održavanju javnih površina, te analiza efekata primjene Odluke o utvrđivanju cijena komunalnih usluga i visine naknade za priključno mjesto od 27.12. 2012. godine.**
12. **Upoznavanje i rasprava po aktima JKP d.o.o. Vareš u vezi regulisanja statusa deponije „KOTA“ u Varešu.**
13. **Informacija o realizovanim projektima NVO sektora i saradnji sa javnim sektorom na području općine Vareš.**
14. **Informacija o stipendiranju i stipendistima općine Vareš u 2012/2013 godini.**
15. **Tekuća pitanja.**

#### **Ad. 1.**

*(Nacrt Strategije razvoja  
poljoprivrede općine Vareš (2014-2018).)*

Profesor dr. Nezir Tanović dao je uvodne napomene za ovu tačku dnevnog reda i izvršio prezentaciju dokumenta Strategije razvoja poljoprivrede općine Vareš (2014-2018).

Otvorena je rasprava u kojoj su svoje primjedbe, prijedloge i mišljenja iznijeli vijećnici: Safeta Muftić, Elvir Rožajac, Boško Andrić, Tajiba Brkić, Mario Mirčić, Ismet Abdulahović, Zdravko Barkić, poslanik u Skupštini ZDK Fahrudin Brkić i Općinski načelnik Avdija Kovačević koji se pridružio čestitkama koje su vijećnici uputili za ovaj dokument.

Zaključena je rasprava i predsjedavajući OV je na osnovu člana 100., 111. i 112. Poslovnika o radu Općinskog vijeća Vareš predložio Vijeću slijedeći

#### **Zaključak:**

- **Utvrđuje se Nacrt Strategije razvoja poljoprivrede općine Vareš (2014 – 2018) godina.**
- **Nacrt Strategije razvoja poljoprivredne općine Vareš (2014-2018) godina, upućuje se na Javnu raspravu u periodu od 60 dana.**
- **Zadužuje se Općinski načelnik i Služba za privredu i finansije kao nosilac aktivnosti da pripremi javnu raspravu u skladu sa aktima Vijeća, a posebnu pažnju u Javnoj raspravi posvetiti Mjesnim zajednicama primarno ali i gradskim sredinama.**
- **Prijedloge i sugestije u toku Javne rasprave, predlagač će uzeti u razmatranje kod izrade prijedloga akta.**
- **Po završenoj Javnoj raspravi, predlagač će sačiniti Prijedlog akta i Izvještaj o provedenoj raspravi dostaviti Vijeću na razmatranje.**
- **Zaključak stupa na snagu danom donošenja.**

Predsjedavajući OV stavio je predloženi Zaključak na izjašnjavanje, te nakon izjašnjavanja vijećnika konstatuje da je predloženi Zaključak **jednoglasno usvojen**

Za riječ se javio profesor dr. Nezir Tanović koji se u ime radne grupe svima zahvalio na razumnoj diskusiji.

Predsjedavajući OV još jednom zahvalio se profesoru i dao pauzu u trajanju od pet minuta.

## **Ad.2.**

*(Nacrt Odluke o usvajanju Strategije razvoja i unapređenja socijalne zaštite za period 2013.-2016. godina)*

Pomoćnik načelnika Rusmir Berberović ispred predlagača dao je dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV je na osnovu člana 110., 111. i 112 Poslovnika o radu Općinskog vijeća predložio je slijedeći

### **Zaključak:**

- **Utvrđuje se Nacrt Odluke o usvajanju Strategije razvoja i unapređenje socijalne zaštite za period 2013 - 2016 godina.**
- **Nacrt Odluke o usvajanju Strategije razvoja i unapređenja socijalne zaštite za period 2013-2016 godina, upućuje na Javnu raspravu u trajanju od 60 dana.**
- **Zadužuje se Općinski načelnik i Služba za društvene djelatnosti da pripremi Javnu raspravu u skladu sa aktima Vijeća.**
- **Prijedloge i sugestije u toku Javne rasprave, predlagač će uzeti u razmatranje kod izrade prijedloga akta.**
- **Po završenoj Javnoj raspravi, predlagač će sačiniti Prijedlog akta i Izvještaj o provedenoj raspravi dostaviti Vijeću na razmatranje.**
- **Zaključak stupa na snagu danom donošenja.**

Predsjedavajući OV stavio je predloženi Zaključak na izjašnjavanje, te nakon izjašnjavanja vijećnika konstatuje da je predloženi Zaključak **jednoglasno usvojen**.

## **Ad. 3.**

*(Prijedlog dopunske Odluke o utvrđivanju povučene-obnovljene granične linije između šume i šumskog zemljišta i poljoprivrednog zemljišta u katastarskoj općini Blaža.)*

Komisija za statutarna pitanja i propise na 8. sjednici održanoj 18.09.2013. godine jednoglasno je donijela slijedeći Zaključak:

- **Komisija za statutarna pitanja i propise nema primjedbi na predloženi Prijedlog dopunske Odluke o utvrđivanju povučene-obnovljene granične linije između**

**šume i šumskog zemljišta i poljoprivrednog zemljišta, u katastarskoj općini Blaža, te je upućuje Općinskom vijeću na usvajanje.**

Predlagač nije imao dodatno obrazloženje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog dopunske Odluke o utvrđivanju povučene-obnovljene granične linije između šume i šumskog zemljišta i poljoprivrednog zemljišta, u katastarskoj općini Blaža.

Nakon izjašnjavanja vijećnika predsjedavajući OV konstatuje da je **jednoglasno usvojena**

***Dopunska Odluka o utvrđivanju povučene-obnovljene granične linije između šume i šumskog zemljišta i poljoprivrednog zemljišta u katastarskoj općini Blaža.***

#### **Ad. 4.**

*(Nacrt Odluke o organizaciji i radu dimnjačarske djelatnosti.)*

Komisija za statutarna pitanja i propise na 8. sjednici održanoj 18.09.2013. godine jednoglasno je donijela slijedeći Zaključak:

- **Komisija za statutarna pitanja i propise nema primjedbi na predloženi Nacrt Odluke o organizaciji i radu dimnjačarske djelatnosti, te je upućuje Općinskom vijeću na razmatranje.**

Pomoćnik načelnika Željko Franjić ispred predlagača dao je dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV je na osnovu člana 100., 111. i 112. Poslovnika o radu Općinskog vijeća predložio slijedeći

#### **Zaključak:**

- **Utvrdjuje se Nacrt Odluke o organizaciji i radu dimnjačarske djelatnosti.**
- **Nacrt Odluke upućuje se na Javnu raspravu u trajanju od 45 dana.**
- **Zadužuje se Općinski načelnik i Služba za civilnu zaštitu da pripremi javnu raspravu u skladu sa aktima Vijeća.**
- **Prijedloge i sugestije u toku Javne rasprave, predlagač će uzeti u razmatranje kod izrade prijedloga akta.**
- **Po završenoj javnoj raspravi, predlagač će sačiniti Prijedlog akta i Izvještaj o provedenoj raspravi dostaviti vijeću na razmatranje.**
- **Zaključak stupa na snagu danom donošenja.**

Predsjedavajući OV stavio je predloženi Zaključak na izjašnjavanje, te nakon izjašnjavanja vijećnika konstatuje da je predloženi Zaključak **jednoglasno usvojen**

## Ad. 5.

*( Prijedlog Rješenja kojim se utvrđuje pravo korištenja građevinskog zemljišta, Društva za ugostiteljstvo, promet i turizam „Perun“ d.o.o. Vareš.)*

Predlagač nije imao dodatno objašnjenje za ovu tačku dnevnog reda.

Otvorena je rasprava u kojoj su svoje primjedbe, prijedloge, sugestije, pitanja i mišljenja iznijeli vijećnici: Zdravko Barkić, Ismet Abdulahović, predsjedavajući OV Zdravko Marošević, pomoćnik načelnika Ermin Musa, direktor Čatović Senad „Perun“ d.o.o. Vareš i općinski načelnik Avdija Kovačević.

Vijećnica Safeta Muftić ispred Kluba SBB-a zatražila je pauzu.

Predsjedavajući OV na traženje Kluba SBB-a dao je pauzu u trajanju pet minuta.

Nastavljeno je sa radom današnje sjednice.

U daljnjoj raspravi za riječ se javio općinski načelnik Kovačević Avdija i u skladu sa Statutom općine Vareš i Poslovníkom o radu Općinskog vijeća predložio da se na osnovu preporuka većine Klubova vijećnika, izjašnjavanje o ovoj tački dnevnog reda odgodi za narednu sjednicu.

Predsjedavajući OV je konstatovao je da je prijedlog općinskog načelnika u skladu sa aktima Vijeća, te je stavio na izjašnjavanje **prijedlog općinskog načelnika da se izjašnjavanje o Prijedlogu Rješenja kojim se utvrđuje pravo korištenja građevinskog zemljišta, Društvu za ugostiteljstvo, promet i turizam „Perun“ d.o.o. Vareš, odgodi za narednu sjednicu, te da se Vijeću pripremi pojašnjenja za iznesene nedoumice vijećnika u raspravi.**

Nakon izjašnjavanja vijećnika predsjedavajući OV je konstatovao da **je prijedlog jednoglasno usvojen.**

## Ad.6.

*(Prijedlog Rješenja o razrješenju predsjednika i članova Skupštine Javnog preduzeća:*

- a. Skupštine Javnog komunalnog preduzeća d.o.o. Vareš*
- b. Skupštine JP „Vareš-stan“ d.o.o. Vareš*
- c. Skupštine JP Veterinarska stanica d.o.o. Vareš)*

Nije bilo rasprave po ovoj tački dnevnog reda.

Predsjedavajući OV stavio je na izjašnjavanje Prijedlog Rješenja o razrješenju predsjednika i članova Skupštine Javnog komunalnog preduzeća d.o.o. Vareš.

Nakon izjašnjavanja vijećnika predsjedavajući OV konstatuje da je sa **17 glasova „ZA“ i 1 „SUZDRŽANIM“ glasom usvojeno**

***Rješenje o razrješenju predsjednika i članova Skupštine Javnog komunalnog preduzeća d.o.o. Vareš.***

Predsjedavajući OV stavio je na izjašnjavanje Prijedlog Rješenja o razrješenju predsjednika i članova Skupštine JP „Vareš-stan“ d.o.o. Vareš.



Nakon izjašnjavanja vijećnika predsjedavajući OV konstatuje da je sa **18 glasova** „ZA“ usvojeno

***Rješenje o razrješenju predsjednika i članova  
Skupštine JP „Vareš-stan“ d.o.o. Vareš.***

Predsjedavajući OV stavio je na izjašnjavanje Prijedlog Rješenja o razrješenju predsjednika i članova Skupštine JP Veterinarska stanica d.o.o. Vareš.

Nakon izjašnjavanja vijećnika predsjedavajući OV konstatuje da je sa **18 glasova** „ZA“ usvojeno

***Rješenje o razrješenju predsjednika i članova  
Skupštine JP Veterinarska stanica d.o.o. Vareš.***

Ad. 7.

*(Prijedlog Rješenja o imenovanju vršioca dužnosti  
predsjednika i članova Skupštine Javnog preduzeća:  
a. Skupštine Javnog komunalnog preduzeća d.o.o. Vareš  
b. Skupštine JP „Vareš-stan“ d.o.o. Vareš  
c. Skupštine JP Veterinarska stanica d.o.o. Vareš)*

Nije bilo rasprave po ovoj tački dnevnog reda.

Predsjedavajući OV stavio je na izjašnjavanje Prijedlog Rješenja o imenovanju vršioca dužnosti predsjednika i članova Skupštine Javnog komunalnog preduzeća d.o.o. Vareš.

Nakon izjašnjavanja vijećnika predsjedavajući OV konstatuje da je sa **15 glasova** „ZA“ i 3 „SUZDRŽANA“ glasa usvojeno

***Rješenje o imenovanju vršilaca dužnosti predsjednika i članova  
Skupštine Javnog komunalnog preduzeća d.o.o. Vareš.***

Predsjedavajući OV stavio je na izjašnjavanje Prijedlog Rješenja o imenovanju vršioca dužnosti predsjednika i članova Skupštine JP „Vareš-stan“ d.o.o. Vareš.

Nakon izjašnjavanja vijećnika predsjedavajući OV konstatuje da je sa **18 glasova** „ZA“ glasa usvojeno

***Rješenje o imenovanju vršilaca dužnosti predsjednika  
i članova Skupštine JP „Vareš-stan“ d.o.o. Vareš.***

Predsjedavajući OV stavio je na izjašnjavanje Prijedlog Rješenja o imenovanju vršioca dužnosti predsjednika i članova Skupštine JP Veterinarska stanica d.o.o. Vareš.

Nakon izjašnjavanja vijećnika predsjedavajući OV konstatuje da je sa **18 glasova** „ZA“ glasa usvojeno

***Rješenje o imenovanju vršilaca dužnosti predsjednika  
i članova Skupštine JP Veterinarska stanica d.o.o. Vareš.***

## **Ad.8.**

*( Donošenje Rješenja o imenovanju člana Općinske izborne komisije.)*

Komisija za izbor i imenovanja na 6. sjednici održanoj 12.09.2013. godine, obavila je Intervju sa kandidatom Maja Ajanović, te zaključila da je ista prema uspjehu obavljenog Intervjua ostvarila 29 (dvadesetidevet) bodova.

Komisija je obavila Intervju sa kandidatom Adis Hrvat, te zaključila da je isti prema uspjehu Intervjua ostvario 39 (tridesetidevet) bodova.

Kandidat Senad Dramalija nije bio prisutan na Intervju.

Na osnovu uspjeha postignutog na Intervju, Komisija je sačinila rang listu i to:

1. Hrvat Adis sa 39 bodova
2. Maja Ajanović sa 29 bodova

Nije bilo rasprave po ovoj tački dnevnog reda.

Predsjedavajući OV stavio je na pojedinačno izjašnjavanje prijedloge kandidata za imenovanje člana Općinske izborne komisije prema rang listi (Hrvat Adis i Maja Ajanović), te nakon izjašnjavanja vijećnika konstatuje da je **većinom glasova (16 glasova „ZA“ i 3 „SUZDRŽANA“ glasa) kandidat Hrvat Adis imenovan za člana Općinske izborne komisije Vareš i doneseno**

***Rješenje o imenovanju člana  
Općinske izborne komisije.***

## **Ad. 9.**

*(Izveštaj/Izvješće o izvršenju budžeta/proračuna  
Općine Vareš za period januar/siječanj-juni/lipanj 2013. godine.)*

Komisija za privredu, finansije i budžet na 2. sjednici održanoj 23.07.2013. godine, jednoglasno je donijela Zaključak:

**- Komisija je nakon pitanja i objašnjenja predstavnika predlagača, prihvatila Izveštaj/Izvješće o izvršenju općinskog budžeta/proračuna općine Vareš za period januar/siječanj – juni/lipanj 2013. godine.**

**- Mišljenje je Komisije da iz navedenih podataka o izvršenju proračuna, može se zaključiti kako i dalje stanje u Općini Vareš je veoma teško što se vidi iz podataka o ostvarenju redovnih prihoda koji su podbačeni za nekih 8%.**

**- Sredstva koja su dobivena kao izvanredni prihodi trebala bi da se koriste sukladno zakonskim obavezama i utroše na stvaranje novih prihoda ili izmirenje dospjelih obaveza, a ne za tekuće poslovanje.**

**- Općinsko vijeće treba da obaveže Načelnika na izradu rebalansa proračuna čim dobije odgovor od Porezne uprave FBiH.**

Pomoćnik načelnika Zihinja Krnjić ispred predlagača dao je pojašnjenje za ovu tačku dnevnog reda.

Otvorena je rasprava u kojoj su svoje prijedloge, primjedbe, sugestije i mišljenja iznijeli vijećnici: Safeta Muftić, Elvir Rožajac, Zdravko Barkić, Mario Mirčić, Demo Kevrić, Općinski načelnik Kovačević Avdija.

Predsjedavajući OV skrenuo je pažnju Općinskom načelniku na retoriku govora u svom izlaganju.

Za riječ se ponovo javio vijećnik Đemo Kevrić. Predsjedavajući OV uputio je upozorenje Općinskom načelniku zbog komentaranja iz klupe na izlaganje vijećnika Đeme Kevrić.

Predsjednik Kluba vijećnika BPS-a Ismet Abdulahović zamolio je predsjedavajućeg OV da se sjednica vodi u skladu sa Poslovníkom o radu Općinskog vijeća, te zatražio pauzu.

Predsjedavajući OV na traženje Kluba BPS-a dao je pauzu u trajanju od deset minuta.

Nastavljeno je sa radom današnje sjednice.

Za riječ se javio Vijećnik Đemo Kevrić i izjavio da će vijećnici BPS-a ostati do završetka ove tačke dnevnog reda, a nakon završetka ove tačke dnevnog reda, vijećnici BPS-a će napustiti sjednicu, jer neće dozvoliti da Izvršna vlast verbalno napada vijećnike BPS-a.

Predsjedavajući OV zamolio je vijećnike BPS-a da ne napuštaju današnju sjednicu i podsjetio vijećnike i Izvršnu vlast na Etički kodeks ponašanja izabranih dužnosnika. Pozvao je šefa finansija da pojasni zadnju alineju u zaključku Komisije za privredu, finansije i budžet koja se odnosi na odgovor Poreske uprave.

Pomoćnik načelnika Zihinja Krnjić u svom izlaganju dao je dodatna pojašnjenja u vezi izrade rebalansa, te naglasio da izrada rebalansa Općine Vareš ne zavisi od odgovora Poreske uprave.

Predsjedavajući OV je na osnovi odgovora pomoćnika načelnika zaključio da se zadnji stav zaključka Komisije za privredu, finansije i budžet briše, te podsjetio na upućenu sugestiju vijećnika Maria Mirčić da se prilikom izrade rebalansa vodi računa o onim subjektima koji su prošlogodišnjim rebalansom zakinuti.

Općinski načelnik Kovačević Avdija javio se za riječ i izjavio da ne može prihvatiti zaključke, o čemu je dao i objašnjenje, te naglasio da može prihvatiti zaključak da se Izvještaj u integralnom obliku prihvati ili ne prihvati ili da se prolongira, te ako se Izvještaj ne usvoji da Vijeće donese odluku većinom članova Općinskog vijeća da se pokrene procedura opoziva Općinskog načelnika.

U daljnjoj raspravi su učestvovali predsjedavajući OV i vijećnik Mario Mirčić koji su mišljenja da Općinskom načelniku nisu sporni zaključci Komisije, nego drugi dio sugestije za planiranje nekih sredstava u izradi rebalansa.

Predsjedavajući OV zaključio je raspravu i stavio na izjašnjavanje Izvještaj/Izvešće o izvršenju budžeta/proračuna općine Vareš za period januar/siječanj-juni/lipanj 2013. godine uz

### **Zaključak:**

**- Komisija je nakon pitanja i objašnjenja predstavnika predlagača, prihvatila Izvještaj/Izvešće o izvršenju općinskog budžeta/proračuna općine Vareš za period januar/siječanj – juni/lipanj 2013. godine.**

**- Mišljenje je Komisije da iz navedenih podataka o izvršenju proračuna, može se zaključiti kako i dalje stanje u Općini Vareš je veoma teško što se vidi iz podataka o ostvarenju redovnih prihoda koji su podbačeni za nekih 8%.**

**- Sredstva koja su dobivena kao izvanredni prihodi trebala bi da se koriste sukladno zakonskim obavezama i utroše na stvaranje novih prihoda ili izmirenje dospjelih obaveza, a ne za tekuće poslovanje.**

Nakon izjašnjavanja vijećnika predsjedavajući OV konstatuje da je sa **15 glasova „ZA“, 1 glasom „PROTIV“ i 3 „SUZDRŽANA“ glasa, uz Zaključak Komisije prihvaćen i**

*Izvještaj/Izvešće o izvršenju budžeta/proračuna  
općine Vareš za period januar/siječanj-juni/lipanj 2013. godine.*

Vijećnici BPS-a su napustili današnju sjednicu.

#### **Ad. 10.**

*(Izveštaj o realizaciji Odluke općinskog fonda za vatrogastvo u 2012. godini.)*

Nije bilo rasprave po ovoj tački dnevnog reda.

Predsjedavajući OV stavio je na izjašnjanje Izveštaj o realizaciji Odluke općinskog fonda za vatrogastvo u 2012. godini.

Nakon izjašnjanja vijećnika predsjedavajući OV konstatuje da je **sa 17 glasova „ZA“ usvojen**

*Izveštaj o realizaciji Odluke općinskog fonda za vatrogastvo u 2012. godini.*

#### **Ad. 11.**

*(Informacija o vodoopskrbi i odvozu smeća na području općine Vareš i održavanju javnih površina, te analiza efekata primjene Odluke o utvrđivanju cijena komunalnih usluga i visine naknade za priključno mjesto od 27.12.2012. godine.)*

Otvorena je rasprava u kojoj su učestvovali vijećnici Mario Mirčić i Elvir Rožajac.

Zaključena je rasprava i predsjedavajući OV stavio je na izjašnjanje Informaciju o vodoopskrbi i odvozu smeća na području općine Vareš i održavanju javnih površina, te analiza efekata primjene Odluke o utvrđivanju cijena komunalnih usluga i visine naknade za priključno mjesto od 27.12.2012. godine.

Nakon izjašnjanja vijećnika predsjedavajući OV konstatuje da je **sa 17 glasova „ZA“ usvojena**

*Informacija o vodoopskrbi i odvozu smeća na području općine Vareš i održavanju javnih površina, te analiza efekata primjene Odluke o utvrđivanju cijena komunalnih usluga i visine naknade za priključno mjesto od 27.12.2012. godine.*

#### **Ad. 12.**

*(Upoznavanje i rasprava po aktima JKP d.o.o. Vareš u vezi regulisanja statusa deponije „KOTA“ u Varešu.)*

Otvorena je rasprava u kojoj su učestvovali:

Zafer Kamenjaš direktor JKP d.o.o. Vareš koji je u svom obraćanju upoznao prisutne i javnost sa činjenicama koje se odnose na problem korištenja lokaliteta deponije „Kota“ Vareš.

Izudin Sjerotanović direktor BBM-VAREŠ d.o.o. u svom obraćanju iznio je činjenice i argumente za prostor na kome svoju djelatnost obavlja društvo BBM-VAREŠ d.o.o. Vareš i upoznao prisutne sa nesuglasticama između BBM-VAREŠ d.o.o. Vareš i JKP d.o.o. Vareš, koje su se nedavno desile a u vezi pristupa, odnosno dijela puta do deponije „Kota“ Vareš.

U daljnjoj raspravi učestvovali su vijećnici Mario Mirčić i Elvir Rožajac, te gosp. Izudin Sjerotanović koji je dao neka dodatna pojašnjenja i odgovore na postavljena pitanja vijećnika.

Predsjedavajući OV je na osnovu diskusija u raspravi od strane direktora po ovoj tački dnevnog reda, mišljenja da ovaj problem nije za razmatranje na sjednici i da BBM-VAREŠ d.o.o. Vareš i JKP d.o.o. Vareš trebaju zajedno sa stručnim službama i Načelnikom pokušati iznaći rješenje u vezi granica i prolaza do gradske deponije.

Za riječ se ponovo javio direktor JKP d.o.o. Vareš Zafer Kamenjaš koji je dao određena pojašnjenja, te skrenuo pažnju da postoje administrativni problemi.

U daljnjoj raspravi su učestvovali vijećnici Kenan Kamenjaš i Boško Andrić, predsjedavajući OV Zdravko Marošević koji na osnovu diskusije i iznesenih prijedloga, sugerisao da se donese zaključak kojim će se obavezati nadležne službe u Općini i pravne službe BBM-VAREŠ d.o.o. Vareš i JKP d.o.o. Vareš da iznađu rješenje u vezi nastalog problema.

Za riječ se javio Općinski načelnik Kovačević Avdija i predložio zaključak da se zaduži Općinski načelnik da najkasnije do 01.01.2014. godine, pokrene na zakonu utemeljenu reviziju privatizacije svih pravnih lica nastalim raspadom bivšeg Rudnika i željezare Vareš i da ukoliko bude osnovane sumnje na temelju važećih zakona, da je došlo do zloupotreba određenih položaja, da se pokrene krivična prijava protiv odgovornih. To bi se isto odnosilo i na reviziju svih koncesionih ugovora, ma o kome se radi.

Predsjedavajući OV izjavio je da se Vijeće može izjasniti po ovom prijedlogu zaključka, ali na taj bi se proces trebalo dugo čekati, te u vezi s tim treba naći i trenutno rješenje za nastalu situaciju.

Na osnovu daljnje rasprave predsjedavajući OV je zaključio da Vijeće na današnjoj sjednici neće donositi nikakav zaključak po ovoj tački dnevnog reda, te da će Općinski načelnik, zaključak koji je predložio, isti predložiti na višestranačkom sastanku da se dobije politička suglasnost, te razmatrati na Vijeću i donijeti Odluku ako treba da se to pokrene.

Predsjedavajući OV zaključio je raspravu.

### **Ad. 13.**

*( Informacija o realizovanim projektima NVO sektora  
i saradnji sa javnim sektorom na području općine Vareš.)*

Nije bilo rasprave po ovoj tački dnevnog reda.

Predsjedavajući OV je skrenuo pažnju da će Vijeće morati donijeti Odluku u vezi sredstava koja dobivaju nevladini sektori, u smislu da se provjeri jesu li svi registrovani u skladu sa Zakonom i da li se sredstva pravdaju prema projektima.

Predsjedavajući OV stavio je na izjašnjavanje Informaciju o realizovanim projektima NVO sektora i saradnji sa javnim sektorom na području općine Vareš.

Nakon izjašnjavanja vijećnika predsjedavajući OV konstatuje da je **jednoglasno usvojena**

*Informacija o realizovanim projektima NVO sektora  
i saradnji sa javnim sektorom na području općine Vareš.*

#### **Ad. 14.**

*( Informacija o stipendiranju i stipendistima općine Vareš u 2012/2013. godinu.)*

Nije bilo rasprave po ovoj tački dnevnog reda.

Predsjedavajući OV stavio je na izjašnjanje Informaciju o stipendiranju i stipendistima općine Vareš u 2012/2013. godini.

Nakon izjašnjanja vijećnika predsjedavajući OV konstatuje da je **jednoglasno usvojena**

***Informacija o stipendiranju i stipendistima općine Vareš u 2012/2013. godini.***

#### **Ad. 15.**

*(Tekuća pitanja.)*

1. Predsjedavajući OV upoznao je Vijeće sa Zaključkom JP ŠPD Šumarstvo Vareš i Olovo d.o.o. Vareš u vezi prijedloga kandidata za v.d. Nadzornog odbora Javnog preduzeća „Šumsko–privredno društvo Šumarstvo Vareš i Olovo“ d.o.o. Vareš
2. Predsjedavajući OV upoznao je Vijeće sa Zahtjevom za reviziju postupka izuzimanja zemljišta upućenom od strane Medžlisa islamske zajednice Vareš od 17.09.2013. godine.

Općinski načelnik dao je pojašnjenje u vezi ovog zahtjeva i upoznao prisutne o pokrenutom postupku u vezi istog, te predložio Vijeću da se donese jedan zaključak kojim će se obavezati Služba općinskog načelnika da za slijedeću sjednicu pripremi kompletnu informaciju po pitanju ovog problema.

3. Predsjedavajući OV upoznao je Vijeće sa dopisom grupe građana MZ Striježevo a u vezi načina pašarenja na području MZ Striježevo, od 24.09.2013. godine

Predsjedavajući OV, na osnovu dopisa MZ Striježevo predložio je i stavio na izjašnjanje slijedeći

#### **Zaključak:**

- **Obavezuje se Općinski načelnik i Služba nadležna za rad sa mjesnim zajednicama da pokušaju iznaći rješenje u vezi problema pašarenja u mjesnoj zajednici Striježevo koji su izneseni u Zahtjevu dostavljenom Općinskom vijeću od strane grupe stanovnika ove mjesne zajednice.**

Nakon izjašnjanja vijećnika predsjedavajući OV konstatuje da je predloženi **Zaključak jednoglasno usvojen.**

4. Predsjedavajući OV upoznao je Vijeće sa dopisom MZ Neprivaj od 21.09 2013. godine u vezi lokalnog puta Žahlja-Neprivaj-Lučila.

Za riječ se javio pomoćnik načelnika Ermin Musa koji je izjavio da Općinsko vijeće nije nadležno da donosi Odluku o lokalnim putevima, nego je Kanton, te da je ispred Općine Vareš Kantonu upućen dopis za prijedlozima za prekategoricizaciju određenih puteva u kome se nalazi i put Žahlja-Neprivaj-Lučila.

Predsjednik MZ Neprivaj iznio je problem u vezi navedenog puta i radova na istom od strane firme TB inženjering iz Breze.

Za riječ se javio Općinski načelnik koji je u svom obraćanju izvijestio prisutne da će Općina Vareš pokrenuti sudski postupak, odnosno postupak protiv TB inženjeringa zbog neizvršenih ugovornih obaveza, jer je Općina Vareš platila sve obaveze po osnovu ugovora za asfaltiranje puta za Neprivaj.

Predsjedavajući OV zahvalio se svima na radu današnje sjednice i u svoje osobno ime kao i u ime svih vijećnika Općinskog vijeća Vareš uputio čestitku za nadolazeći Kurban Bajram.

Sastavni dio ovog Zapisnika je audio zapis sjednice i stenogram 9. tačke dnevnog reda „Izvještaj/Izvješće o izvršenju budžeta/proračuna Općine Vareš za period januar/siječanj-juni/lipanj 2013. godine.

Sjednica je završena u 22,00 sata.

***SEKRETAR***

**Leon Pavlović**

***ZAPISNIČAR***

**Azra Ibrahimović**

***PREDSJEDAVALAČ***

**Zdravko Marošević**

Stenogram 9. tačke „Izvještaj/Izvješće o izvršenju budžeta/proračuna Općine Vareš za period januar/siječanj-juni/lipanj 2013. godine je:

Ad. 9.

Izvještaj/Izvješće o izvršenju budžeta/proračuna  
Općine Vareš za period januar/siječanj-juni/lipanj 2013. godine.

Predsjedavajući OV Zdravko Marošević:

- Otvaram raspravu po ovoj tački dnevnog reda. Predlagač,... molim Vas malo sačekajte.  
Predlagač.

#### Pomoćnik načelnika-Zihinja Krnjić:

- Pozdravljam sve prisutne. Na osnovu Zakona o budžetima Federacije Bosne i Hercegovine i na osnovu Pravilnika o finansijskom izvještavanju i godišnjem obračunu budžeta ... odnosno proračuna u Federaciji Bosni i Hercegovini i na osnovu knjigovodstvene evidencije u službi za privredu i finansije, sačinjen je Izvještaj o izvršenju budžeta/proračuna za period januar-juni 2013. godine. Ono što bih ja možda samo vrlo kratko izdvojio za .. za ovaj izvještaj što je specifično jeste da su ukupni prihodi i primitci ostvareni u periodu januar-juni 2013. godine, jesu 2.602.537 KM a ukupni rashodi i izdatci ostvareni su u iznosu od 1.680.532 KM, to jest ostvaren je budžetski suficit, odnosno prihodi su veći u odnosu na rashode u iznosu od 922.005 KM. Znači za posmatrani period ostvareni su veći prihodi u odnosu na rashode i trebalo bi prevashodno da se pohvali Općinski načelnik koji je uspio da za vrlo kratak period ostvari veće prihode u odnosu na rashode, odnosno za razliku o kantona ZE-DO i drugih kantona koji su ostvarili deficite na Federalnom nivou i u većini općina u Federaciji ostvaruju se deficiti. Ovo je za svaku pohvalu, znači da su ostvareni veći prihodi u odnosu na rashode. Izvještaj je sačinjen, znači na bazi knjigovodstvenih podataka, obrazloženi su prihodi i rashodi. Ja stvarno ne bi ovom prilikom da pojašnjavam, znači zasebnu svaku vrstu prihoda i svaku vrstu rashoda. Ukoliko bude pitanja, mi ćemo stajati Vam na raspolaganju da odgovorimo. I ja se stvarno zahvaljujem i pozivam vijećnike da podrže načelnika i sve službe i da glasuju za ovaj Izvještaj. Hvala ... toliko.

#### Predsjedavajući OV Zdravko Marošević:

- Zahvaljujem. ... Gospođa Muftić.

#### Vijećnica Safeta Muftić:

- Ja sam pozdravila jednom ... ovo je drugi put. Ovaj je Izvještaj o izvršenju budžeta za period prvi-šesti 2013. godine, trebao biti na dnevnom redu prošle, odnosno julske sjednice Općinskog vijeća za koji je bio i prvobitno i planiran, te pripremljen. Međutim, na prijedlog nekih vijećnika on je odgođen za današnju sjednicu a kao razlog odgode je bio taj da bi Izvještaj trebao biti detaljniji. Lično smatram da su oba Izvještaja urađena u skladu računovodstvenim propisima koji se odnose na izradu Izvještaja o izvršenju budžeta. Ovaj Izvještaj je obogaćen dodatnim grafikonima, te opširnijim pojašnjenjem poreznih i neporeznih prihoda. Ako krenemo redom vidjet ćemo da prihodi i primitci u budžetu za period prvi-šesti 2013. godine su ostvareni, ... ostvareni su u iznosu od 2.602.000, a uspored s planom za isti period su viši za gotovo 89,72%. Rashodi su ostvareni u iznosu 1.680.000, odnosno viši su za 23,92% u usporedbi s planom. Ukupan višak prihoda nad rashodima ostvaren je u iznosu od 922.000 u kome prihodi od poreza čine 23%, neporezni prihodi 70% , tekući transferi 7%, kapitalnih primitaka nije bilo. Ono što je vidljivo, je da su prihodi od poreza podbačeni za 16,32%. Neporezni prihodi su za ovaj period veći za 296,45% kao i tekući transferi koji su veći za 79% u odnosu na šestomjesečni plan. Ako navedenim podacima dodamo i to da je u proteklom periodu došlo do prekoračenja rashoda konta 611 100, koji se odnosi na bruto plaće i naknade plaća zbog usklađenja platnih razreda i koeficijenata sa Zakonom o plaćama i naknadama, lako je zaključiti da je trebalo izraditi rebalans općinskog budžeta. Obzirom da je Načelnik na sjednici Kolegija Općinskog vijeća upoznao predsjednike Klubova o tome kako se u skorije vrijeme očekuje uplata nekih primitaka u većim iznosima, mi predsjednici Klubova zajedno sa predsjedavajućim i zamjenicom Općinskog vijeća smo se složili da se nakon tih uplata izvrši rebalans, kako se ne bi radio dva puta u vrlo kratkom vremenskom periodu. O rashodima ne bi previše detaljisa, obzirom da sam kao član Komisije za budžet i finansije imala uvid u finansijske kartice. Jedino bi sugerisala smanjenje troškova na kontima grupe 613 700 i izdatke konta 613 300, tačnije analitički konto 613 313 i 613 322. Na kontu klase 613 900 sam dobila dodatno pojašnjenje, odnosno uvid u finansijsku karticu, tako da nemam dilemu o čemu se radi i šta se nalazi na pojedinim kontima. Klub vijećnika SBB-a će prihvatiti ovaj Izvještaj u cijelosti, ovakav kakav jeste, s tim da se rebalansu pristupi odmah



po uplati očekivanih prihoda. I u svakom slučaju, na ovoj razlici prihoda i rashoda, treba čestitati Načelniku, slažem se sa gospodinom iz Stručne službe. Toliko .... Hvala.

Predsjedavajući OV Zdravko Marošević:

- Gospodin Elvir Rožajac.

Vijećnik Elvir Rožajac:

-Podržat ću ovaj Izvještaj budžeta ovaj put, ali bi zamolio gospodina Načelnika, obavezu prema starim vijećnicima, da ukoliko može što ranije izmiri, jer zaista ... mislim da se ne dovodimo u situaciju da imamo nekih problema, mislim utuživanja i toga, ... mislim nadam se da do toga neće doći, ali ima najava od nekih starih vijećnika, ukoliko ne bude brzo isplata, da bi moglo doći do toga. Hvala.

Predsjedavajući OV Zdravko Marošević:

- Zahvaljujem. Ima li još netko? Gospodin Zdravko Barkić.

Vijećnik Zdravko Barkić:

- Pa, ja kao predsjednik Kluba SDP nisam zbog poslovnog puta bio na sjednici Kolegija, kad se pripremala ova sjednica. Inače bi da pojasnim, i u julu sam ja bio inicijator toga da se ovo Izvješće odloži za naredni ... za narednu sjednicu Vijeća iz razloga što sam tražio da ... prvo da obzirom kad dolazi do znatnih probijanja budžetskih pozicija, automatski se treba raditi rebalans plana. I nije nam opravdanje da čekamo da će doći još nekih neplaniranih izvora, da sačekamo i njih pa da pravimo rebalans. Rebalans se može praviti u toku godine pet puta, šest puta. Nije problem rebalans napraviti. Ustvari ovaj Izvještaj je vrsta rebalansa, jer mi usvajajući ovaj Izvještaj, usvojili smo i rebalans budžeta. To je jedna ... to je jedna moja primjedba, znači da sam bio na tom Kolegiju, ja bih opet insistirao kao član Kolegija, da se ovaj Izvještaj povuče do donošenja rebalansa i da se zajedno sa rebalansom, .. ovaj usvoji. Nemam lično ništa protiv određenih pozicija u Izvještaju, ali smatram da Izvještaj treba biti puno koncizniji, precizniji, razumljiviji nama vijećnicima, jer i na toj sjednici Kolegija sam rekao, ovo su cifre koje većinu Vas bune, bez podcjenjivanja, neke cifre zbunjuje mene kao ekonomistu, onda razumijem da mogu zbuniti i Vas. Izvještaj treba da sadrži uporedne podatke planiranog i realiziranog sa određenim periodom i na pozicijama gdje je došlo do probijanja, bilo potražne ili prihodovne strane za svaku poziciju treba dati obrazloženje zašto i kako, a ne ovaj ... napraviti tabele i onda tekstualno pročitati onaj opisati te tabele. Svi mi znamo pročitati iz tabele, uporediti tabelu šest kroz pet da je to odnos između planiranih sredstava u budžetu i ostvarenih sa prvim tridesetim šestim. Znači, treba puno ... ja ovo sugerišem dobronamjerno, kad se budu radili slijedeći izvještaji, da nama treba, da vi nama obrazložite ako je ostvaren prihod milion maraka veći nego što je budžetom planirano, da kažete vijećnicima, ti prihodi su ostvareni od dijela prodaje Rudnika olova i cinka u iznosu od devetsto milion maraka od koncesione naknade koja je za prethodne periode ... nekih razlika koncesija ... da mi znamo od čega su ti prihodi, jer mi ništa, ja nemam od toga što vi meni kažete da je prihod povećan 87%. Iz kojih razloga je povećan? Zašto je došlo do povećanja? Uz svo dužno poštovanje i ... lično cijenjenje dosadašnjeg rada Načelnika, nisu sve zasluge Načelnika za ovoliki prihod. Ovi prihodi za Rudnik su došli u ovoj godini, ali su pripreme za te prihode rađene prošle godine. Nemojmo se samo hvaliti. U ovom Vijeću treba malo i kritike. Znači u Izvještaju, ... ja ovaj Izvještaj neću podržati samo iz tog razloga što ga smatram ... formalno, pravno dobro urađenim, ali nepreciznim, nama nerazumljivim i dovoljno neobjašnjenim. Ja ću biti suzdržan, odnosno Klub vijećnika SDP-a će biti suzdržan kod donošenja ovog Izvještaja, samo iz tog razloga. I ne vidimo razloga zašto se ne pravi budžet onaj rebalans budžeta. Jer usvajajući ovaj Izvještaj, mi usvajamo rebalans. Ako smo sad usvojili pozicije koje su u ... u ... realizirane, naravno da će se oni na kraju i usvojiti, ali se o tome treba raspraviti na Vijeću i Vijeće treba da aminuje neke pozicije u budžetu da bi se

mogo ... mogla i njihova realizacija aminovati i ništa drugo. Načelnice, evo to je moja sugestija. Ja to kažem dobronamjerno bez ikakvih zlih namjera ili pokušaja kritikovanja Službi. Ja neću da diskutujem....

Predsjedavajući OV Zdravko Marošević:

- Zahvaljujem gospodinu Barkiću. Gospodin Mario Mirčić.

Vijećnik Mario Mirčić:

- Klub Hrvatske koalicije će podržati ovo Izvješće o proračunu uz ovaj Zaključak koji imamo od Komisije koja je razmatrala prije nas ovo Izvješće, s tim što smo mi u našem razgovoru govorili o ovome, odnosno sugeriramo, rebalans nije do sada urađen, Načelnik je to obrazložio na Kolegiju. Stav Kolegija je bio da se uvaži načelnikovo mišljenje. Međutim, mi sugeriramo slijedeće. Obzirom da smo prošle godine uradili rebalans proračuna zbog manjka prihoda, ove godine ćemo uraditi rebalans proračuna zbog viška prihoda i trebalo bi povesti računa o onim subjektima koji su prošle godine zakinuti rebalansom proračuna, da im se to ove godine bar dijelom, dijelom namiri. Ja, koliko se sjećam, prošle godine su najviše bile pogođene mjesne zajednice i Hrvatski radio Bobovac rebalansom proračuna, pa da se povede računa prilikom izrade rebalansa ove godine zbog viška prihoda. Obzirom da je najveći dio ovih izvanrednih prihoda ostvaren prodajom, ... prodajom Rudnika olova, cinka i barita u stečaju i da je taj Rudnik radio na prostoru Mjesne zajednice Daštansko i Pržići, sugeriramo takođe da se dio tih sredstava investira u određene projekte, a ima ih, ima potreba da se to uradi na ovom gore području, jer će opet Rudnik raditi gore i opet će praviti štetu koju je napravio i prije kad je radio, a ima potreba i nekih puteva i javne rasvjete i obnove domova na Daštansku i Višnjicima, puta na Pržićima, sanacije doma na Mekušama, ima dosta potreba, pa razmislite o tome.

Predsjedavajući OV Zdravko Marošević:

- Zahvaljujem gospodinu Mariu. Ko ima još za raspravu? Gospodin Đemo Kevrić.

Vijećnik Đemo Kevrić:

- Na početku ... nečije su naočale ostale ... Barkić, gospodine Barkiću .... Na početku odmah da kažem slijedeće, a to je da će Klub vijećnika BPS-a podržati ovaj Izvještaj uz ove primjedbe koje ću dole pročitati, jer na Izvršnom odboru Bosansko Hercegovačke patriotske stranke, po prvi puta mogu vam samo i to reći, ako to nešto ..., je došlo do preglasavanja i tako smo odlučili da ćemo ovaj Izvještaj podržati sada, ali ove primjedbe da se iskažu na Vijeću. Ima malo više, ja kao predsjednik Kluba vijećnika BPS-a ću uzeti vremena onoliko koliko mi dozvoljava po Poslovniku, pa da vas upoznam. Razmatrajući ovu tačku dnevnog reda, Klub vijećnika BPS-a stava je i mišljenja je slijedeći, isti kao onaj što je bio onog momenta, jula 2013. godine, to jest tekuće godine kada se doista trebalo razmatrati polugodišnji Izvještaj o izvršenju budžeta za tekuću godinu. Iako je Komisija za privredu, finansije i budžet na svojoj drugoj sjednici održanoj 23.07. i mi smo tada imali svoj sastanak, donijela je zaključak takav kakav je. Svi imate u materijalima taj zaključak, a posebno stav tri i četiri tog zaključka i da izvršenje ide na julske sjednici Općinskog vijeća, to jest na desetoj sjednici Općinskog vijeća, Kolegij Vijeća je tada prolongirao ima pravo, da skida tačke dnevnog reda i mjerodavan je za to i tačka, ovaj, je skinuta za desetu sjednicu dnevnog reda, a to je isto bilo 23.07. kad se ista povlači, odnosno Načelnik istu povlači sa desete sjednice i ista će se razmatrati na, sa dopunama na narednoj sjednici kada će biti i ponuđen rebalans budžeta Opštine Vareš za 2013. godinu. Ponovo se rebalans budžeta prolongira za novembar 2013. godine. Ne znamo iz kojih razloga, pitali smo ekonomiste. I ja sam jedan dio tog tima, idem na te seminare. Nigdje nisam čuo, nigdje nisam čuo da se rebalans može jedanput raditi. Može se deset puta raditi ako ima potrebe, a bilo je. Dobro, sačeka ćemo da ove uplate budu, pa neka se onda tada uradi rebalans. Izvještaj o izvršenju budžeta mogao je da ide u onom obliku kako je bio i ponuđen za juni tekuće godine. Lično ne vidimo neke posebne dopune ovog

Izveštaja u odnosu na prethodni, sem više stranica ... tamo je njih bilo šesnaest, sad ima trideset i jedna stranica. Dopuna se odnosi na grafikone, grafičke prikaze prihoda i rashoda što nam to ništa ne predstavlja. Strane 26, 27, 28 29 su totalno suvišne. Izveštaj je trebao da bude precizniji i razumljiviji i za vijećnike i za one koji će ga imati na dohvat da razmatraju. Izveštaj o izvršenju budžeta kao izveštaj prikazan je sa svim troškovima koji se odnose za taj period. Usvojen je Izveštaj za 2013. godinu 27.12.2012. godine i to jednoglasno. Prema njemu, odnosi se u izvještaju, su planirani svi prihodi i rashodi sa 50%, to znači ono što je planirano u budžetom, pola je od toga za polugodišnji Izveštaj. Svi dodatni, dodatni prihodi i primitci za ovaj budžet, a naročito primitci i prihodi većih iznosa u navedenom periodu, a bilo ih je znamo i koji su, obavezivali su Općinskog načelnika i nadležne Službe da nam ponude rebalans budžeta onog momenta kad su ta sredstva pristigla, te da se ista sredstva troše u skladu sa Zakonom s osnovnim ciljem stvaranja novih prihoda u Opštini, a ne nikako za tekuće poslovanje Opštine. Kako nam je na Komisiji za privredu, finansije i budžet tada 23. 07. 2013. godine, rečeno od strane gospodina Mahmutović Senada, obrazložio je da Općinski načelnik izradu rebalansa budžeta može ponuditi tek kad dobije saglasnost to jest odgovor od Porezne uprave. Nama je to nepoznata, da moramo tražiti saglasnost od Porezne uprave da bi se radio rebalans budžeta. Znači ne bi se smjela ni sredstva dobivena kao vanredan prihod trošiti dok se ne uradi rebalans. Smatramo da je ovo direktno kršenje Zakona o budžetima i izvršenju budžeta. Da predemo konkretno na ponuđeni Izveštaj o izvršenju budžeta za januar juni 2013. godine. Prihodi, ogranit ću se na prihode od poreza. Ovi prihodi u budžetu čine 50 % prihoda budžeta za 2013. godinu. Tako i za prvo polugodište 2013. godine. Vidi se da su oni manji u odnosu na plan. Vidljivo je da su, da je stalni izvor sredstava, a to su prihodi od poreza, sve manji i manji što kazuje, što kazuje da Opština, u Opštini se ništa ne mijenja ni po pitanju privrede ni po pitanju zaposlenja. Neporezni prihodi su veći i indeks ostvarenja vam je dat u tabeli od Izveštaja strana broj tri. Zbog ovih neporeznih prihoda trebalo je doista da se radi rebalans budžeta. A kada su u pitanju ovi prihodi to jest neporezni prihodi, oni nam rijetko se javljaju i pojave, a to je u ovom obliku, u ovom iznosu, evo vidimo u posljednjih deset godina, jedanput. Jedina sredstva, možemo naglasiti, od te slavne privatizacije su došla u Opštinu ovog puta. I pitam se kada će se to ponovo ponoviti. Šta će biti do kraja godine, Bog sami zna. Nadamo se da će biti, evo nagovještava se da će još biti tih uplata. Kad dođe onda ćemo vjerovatno raditi taj rebalans. Rashodi u Izveštaju, 90% rashoda u odnosu na polugodišnji plan je prekoračeno. Imamo objašnjenja ovom dopunom Izveštaja, po prekoračenim sredstvima. Mi vjerujemo da su ona istinita obrazloženja, ali gospodo draga, mi smatramo da je trebalo tražiti i saglasnost za njihovo prekoračenje. Analitički konto 611 226 koji se odnosi na jubilarne nagrade i stabilnost u radu nisu predviđene budžetom za 2013. godinu. Utrošena su sredstva. Putni troškovi planirani polugodišnjim Izveštajem 2.500 maraka, utrošeno je 8.012 maraka, znači veliko prekoračenje. Ta stavka ili je nerealno planirana, smatramo da, mi smatramo da je nerealno planirana sa 5.000 maraka, putni troškovi, evo vidi se da smo za pola godine utrošili 8.000 maraka. Pitamo se i da li se i šta se razmišlja za drugo polugodište. Ista stvar je sa izdacima za nabavku sitnog materijala, usluge prevoza i goriva, ekonomski kod 613 700 izdaci za tekuće održavanje, ako me možete pratiti, da nastavim. Tu je došlo do prekoračenja sredstava u odnosu na čitavu godinu, jer je utrošeno 225.395 KM. Pitamo se čime ćemo održavati i popravljati lokalne ceste, mostove u drugom polugodištu. Možda su ovo dugovi iz prethodnih godina, pa je sad sadašnji načelnik ta sredstva utrošio za izmirenje iz prethodnih godina. Želili bi da znamo odgovor. Kada je u pitanju ekonomski kod 613 500, usluge prevoza i goriva, analitički konto, sad se vraćamo na analitički konto 613 511, 512 i 513 koji se odnosi direktno na potrošnju goriva, koji se odnosi direktno na potrošnju goriva, približno je tamo, onaj ću reći, to je 16.500 maraka. Kada se ovo podijeli sa brojem radnih dana u prvom polugodištu ispadne da je 92 marke svaki dan trošeno. Ako to dijelimo sa brojem radnih dana u prvom polugodištu, onda je to 127 maraka dnevno. Istina, ovdje je bilo i troškova, koliko nas je gospodin Mahmutović, onaj, tada upoznao da su ti troškovi goriva se odnosili na sistematizaciju, nije na sistematizaciju, nego na, koji su išli na ocjenu radne sposobnosti u Zenici, da se vidi. A što se tiče volontera to jest izdataka za

volonterski rad, zapošljavanjem određenog broja volontera u skladu sa Zakonom o volontiranju, mislimo da bi se trebala donijeti odluka o prijemu volontera koja će pratiti i kriterij pod kojim kriterijima će se primati volonteri. I na kraju transfer, odnosno analitički konto 614 128, transfer iz sredstava za zaštitu okoliša. Interesuje nas ova sredstva u iznosu od 12.402 marke, zašto su plaćena. Koliko smo obaviješteni od strane tad predstavnika iz Službe, ova sredstva su utrošena za nabavku kontejnera. Ako ćemo mi Komunalnom preduzeću kupovati njihova sredstva, ima li tu potrebe. Ove konstatacije i ove primjedbe ja bi želio da se ima u vidu za naredni period, a eto rekao sam i da će Klub vijećnika BPS-a podržati ovaj Izvještaj za ovaj navedeni period. Na kraju bi samo želio da rebalans budžeta bude u što kraćem periodu, u što kraćem periodu, jer kraj godine sa rebalansom donosi onu stvar, tamo sredstva gdje su utrošena u toku godine, ona će biti u rebalansu budžeta. Toliko.

Predsjedavajući OV Zdravko Marošević:

- Zahvaljujem gospodinu Đemi. Ima li još neko po ovom Izvještaju budžeta. Koliko vidim od vijećnika da nema niko. Gospodine Načelnice izvolite.

Općinski načelnik Kovačević Avdija:

- Evo ja koristim priliku da se zahvalim svim učesnicima u ovoj raspravi. Bilo je tu i određenih stvarno konstruktivnih prijedloga i dobronamjernih i zlonamjernih, al' eto takvi smo mi kakvi smo, jel'. Ovaj, u prvom redu želim da se zahvalim gospođi Safet Muftić koja je kazala ključnu stvar, a to je da je Izvještaj o izvršenju budžeta za šest mjeseci rađen po važećim zakonskim standardima koji su utemeljeni na međunarodnim računovodstvenim standardima, i to je zapravo najvažnija konstatacija u svemu ovome šta treba da se kaže o Izvještaju, o Izvještaju za izvršenje budžeta, odnosno proračuna za prvi period, za prvo polugodište 2013. godine. Odmah da kažem vrlo jasno i vrlo eksplicitno nekoliko stvari. Prvo, Izvještaj ovakav kakav je bez obzira jel' dobar ili je loš, nije važno, vi ćete to procijeniti u skladu sa svojim zakonskim ovlaštenjima. On nije uopšte moja zasluga, on je zasluga spleta okolnosti. Jesu li one sretne ili nesretne, to će vrijeme pokazati. I hoću da zapravo kažem da vanredni prihod koji je ostvaren u budžetu nije prihod od privatizacije nego je prihod od prodaje jedne nekretnine. Ja evo sad s ovog, s ove govornice kažem, nikad više do Sudnjeg dana, bar mi nećemo biti svjedoci, pa koliko god živjeli, nećemo dočekati da Rudnik olova, cinka i barita proradi na Veovači. To, to vam je gotova stvar i to je tako. Naprosto zašto, zato što gore nema sirovine, ljudi su kupili brend, imali su, ovaj, imali su uvjetno kazano lažnu dojavu da gore ima te rude. Gore nema te rude. Koncentracija rude za koju oni imaju interes se nalazi na prostorima, na širem prostoru mjesnih zajednica Borovica i Dragovići. Zapravo, oni traže srebro i zlato, a ja dok sam ovdje, pa bio dan, bio dva, bio ili tri, ja nikad neću potpisati nikakvu saglasnost u ime Jedinog organa Općine, da se gore, da se gore vrši eksploatacija, jer to je naše najveće zapravo bogatstvo. To je jedna stvar. Druga stvar. Želim malo da se referiram na ovu Ćeminu, ovaj diskusiju i stav BPS-a. Ako imam pravo, a imam pravo, jel' da diskutujem, evo teška srca, zaista teška srca, ali vas molim u ime Boga, nemojte podržati ovaj Izvještaj. Nemojte kao Klub ga podržati, znaš, ovaj, jer će te pričati priču i stvorit ćete u javnosti u percepciji, da ste mi valjali zato što ste podržali taj Izvještaj. Ništa mi niste valjali, jer ono što ti Ćemo znaš o budžetu, ja sam više zaboravio, nego što ti znaš. I ovdje si iznio, iznio si sijaset nebuloza, sijaset, sijaset stvari koje apsolutno nisu utemeljene na zakonu i kad hoćemo da se pozivamo na zakon, mi uzimamo iz zakona samo ono što nam odgovara i uzimamo onaj dio konteksta koji u datom momentu može bit afirmativan za javnost, a nikad nećemo do kraja da kažemo ono što treba da kažemo. Naime, po Zakonu o budžetu, jest obaveza, ovaj, jest obaveza periodičnog izvještavanja, ali periodično izvještavanje je finansijsko, nas ne obavezuje, periodično izvještavanje i mi ne prijavljujemo nadležnim organima uprave. Gospođa Safeta kao ovlašteni revizor vam to može potvrditi ili ne potvrditi. Nas obavezuje godišnje izvještavanje i rebalans budžeta do konca godine. Rebalans budžeta mi možemo raditi svaki dan ako za to ocijenimo potrebu. Ja sam na Klubu,

na Klubu, odnosno na Kolegiju doslovce rekao rebalans je u latici, u skladu sa ovlaštenjima, sa ovlaštenjima koje ste mi dali i zadacima koje ste mi dali na prošloj sjednici, ja vam predlažem, ako hoćete da uvažite sugestiju, da ne idemo sa rebalansom budžeta u sklopu ovoga Izvještaja. To je tako bilo na Kolegiju, oni koji su prisustvovali, ili ako hoćete da smanjimo troškove da ga uradimo u narednom mjesecu kad dođu ovi veliki primitci. Hoćel to biti, hoćel to biti novembar ili oktobar, ja sasvim tačno ne znam, ali će rebalans biti u skladu sa zakonom. I to je notorna činjenica. Pričat priču o pojedinim stavkama, a prije toga na kazat nešto što je urađeno, a jest urađeno, u najmanju ruku je licemjerno. I ovo su razlozi zbog čega vas ja pozivam izavi tvoje odluke da kažeš da ste donijeli preglasavanje. Pa ljudi nemojte glasati, haram vam bilo ako budete glasali za ovaj Izvještaj, jer ćete sutra mislit da ste mi učinili uslugu. Meni usluga od BPS-a ne treba, meni usluga od BPS-a ne treba nikakva ... meni kao načelniku općine Vareš ne treba mi nikakva usluga ...

Predsjedavajući OV Zdravko Marošević:

- Načelniče. Molim Vas ...

Općinski načelnik Kovačević Avdija:

- ... ja imam pravo, pazite, imam pravo da diskutujem, imam pravo da kažem ...

Predsjedavajući OV Zdravko Marošević:

- ... Nije problem diskusija, problem je malo samo retorike govora ...

Općinski načelnik Kovačević Avdija:

- ... imam pravo da iznesem svoje mišljenje, naravno, naravno nekad moramo biti i poprilično oštri i tako dalje. Od dvadeset i jednog vijećnika, od dvadeset i jednog vijećnika, nema vijećnika koji nije tražio mimo postojećih budžetskih proporcija neku intervenciju, u ovoj Sali nema ni jednog vijećnika i nema vijećnika kome se nije na ovaj ili na onaj izašlo u susret u skladu sa mogućnostima. Nekad sam i ja kod tih usluga hodao po ivici zakona, ali je to rađeno u interesu društveno političke zajednice, ali to neće niko ovdje da kaže. Mi ćemo napraviti posao, bit će ovo pozitivna priča, ali u najmanju ruku priču treba pričati argumentovano, ne treba je izmišljati i ne treba mi lažna podrška, meni ne treba lažna podrška. Zato imaju izbori, zato treba izaći na izbore, treba se uslikat, stavit sliku na banderu, ostvarit rezultat i pričat priču. Dakle, svako od vas ko misli ovdje, počev od moje SDA, od Stranke demokratske akcije, od Kenana Kamenjaša i ostalih, moje, moje SDA, ako smatraju da će bilo čime, da će bilo čime učinit meni uslugu, nemojte molim vas glasat za ovaj Izvještaj. Pa dajte da uvedemo pravila ponašanja da se ponašamo na način kako to radi gospođa Safeta, standar, zakon, procedura, norme, a ne, izađem za govornicu, pričam ti priču samo zato što me sluša javnost i što će javnost kazat jao što onaj tamo dobro govori, a čovjek 90% stvari neistinitih kaz'o. Eto toliko.

Predsjedavajući OV Zdravko Marošević:

- Zahvaljujem. Gospodin Demo Kevrić.

Vijećnik Demo Kevrić:

- U mojoj diskusiji u kojoj sam ja govorio ovdje, ako sam trebao da naglasim pohvale koje je gospodin načelnik uradio....

Općinski načelnik Kovačević Avdija ( govori iz klupe):

- Nemoj ih naglašavat.

Predsjedavajući OV Zdravko Marošević:

- Molim Vas, molim Vas, molim Vas, vijećnik je za govornicom.

Općinski načelnik Kovačević Avdija ( govori iz klupe):

- Napustit ću sjednicu.

Vijećnik Đemo Kevrić:

- ... ako sam trebao i to uzmem, imam ...

Općinski načelnik Kovačević Avdija ( govori iz klupe):

- Nemoj, nemoj...

Predsjedavajući OV Zdravko Marošević:

- Molim Vas načelniče

Vijećnik Đemo Kevrić:

- ... stranicu i o tome ispisanu, sve sam išao na to da se skрати moja diskusija, a da primjedbe koje sam prenio, koje sam prezentovao ...

Općinski načelnik Kovačević Avdija ( govori iz klupe):

- ... potpuno nezakonito.

Vijećnik Đemo Kevrić:

- .. na...

Predsjedavajući OV Zdravko Marošević:

- ... pa dajmo budimo makar toliko ...

Vijećnik Ismet Abdulahović (govori iz klupe)

- ... Predsjedavajući šta ti to dozvoljavaš...

Predsjedavajući OV Zdravko Marošević:

- ... pa ne mogu ja nikoga na silu natjerati, evo upozoravam non stop.

Vijećnik Ismet Abdulahović (govori iz klupe)

- ... nije privatna općina, ničija...

Predsjedavajući OV Zdravko Marošević:

- non stop upozoravam i zar imate toliko kulture da saslušate vijećnika za govornicom...

Vijećnik Ismet Abdulahović (govori iz klupe)

- ... vodi sjednicu jebo ga ti ... tu dobacuje....

Predsjedavajući OV Zdravko Marošević:

- Molim vas, nastavi gospodine Đemo.

Vijećnik Đemo Kevrić:

- Primjedbe koje sam iznio su iskazane u Izvještaju, gospodo draga u Izvještaju su, onaj, pokazatelji su prikazani. I mi smatramo i rekli smo na početku da je ovaj Izvještaj i tako smo ga i usvojili i rekli da ćemo Izvještaj usvojiti. Ne treba sad ovdje kazat nemojte glasat za ovaj Izvještaj. Mi smo odlučili što smo odlučili i tako će bit. Ali gospodine Načelniče, doista u posljednje vrijeme nekako imam osjećaj da ste se na nas okomili. Što, zašto, ne smije se kazati da je utrošeno goriva toliko. Da je ....

Općinski načelnik Kovačević Avdija (govori iz klupe):

- .. smije...

Predsjedavajući OV Zdravko Marošević:

- ... molim vas bez direktne komunikacije, prekinut ću sjednicu.

Vijećnik Đemo Kevrić:

- .. ja očitno vidim da , onaj, ne mogu progovoriti i zato tražim od predsjedavajućeg Vijeća pauzu kako bi ocijenili da li da nastavimo sa radom ili ne.

Predsjedavajući OV Zdravko Marošević:

- Stanka, koliko tražite.

Vijećnik Đemo Kevrić:

- Evo ima predsjednik, evo predsjednik stranke...

Predsjedavajući OV Zdravko Marošević:

- Gospodine Abdulahović, molim Vas samo budite konkretni

Vijećnik Ismet Abdulahović:

- Konkretan, jasan i šta sve treba još. Prvo zamolit ću Vas kao predsjednika Općinskog vijeća da vodite sjednicu u skladu sa Poslovníkom. To prvo. Drugo. Gospodine Načelnice, molim Vas, ja Vas molim ko predsjednik stranke da ne spominjete više BPS, Vi uopšte. Možete govoriti o vijećniku, o ovom ili onom, nemojte više stranku našu da spominjete. Ovo je molba i ništa više. Sad možete dati pauzu pa da nastavimo razgovor...

Predsjedavajući OV Zdravko Marošević:

- Koliko stanke je dosta.

Vijećnik Ismet Abdulahović:

- ... tamo u četiri oka kod Vas ...

Predsjedavajući OV Zdravko Marošević:

- Deset minuta stanke.

*- Nastavak rada sjednice nakon pauze.*

Predsjedavajući OV Zdravko Marošević:

- Može da nastavimo sa radom sjednice. BPS, predsjednik Kluba, Vi ste tražili stanku, ako imate potrebe da nešto kažete.

Vijećnik Đemo Kevrić:

- Gospodo draga, vijećnici Bosansko Hercegovačke patriotske stranke će ostati do završetka ove tačke dnevnog reda, po završetku ove tačke dnevnog reda vijećnici će napustiti ovo Vijeće , neće dozvoliti da Izvršna vlast napada verbalno, napada vijećnike ove Bosansko Hercegovačke patriotske stranke. Doista, nismo to zaslužili, ako se na ovom Vijeću , ne može dati svoje mišljenje, nije jednopartijski sistem, ako mi ne možemo dati svoje mišljenje po tačkama koje su prezentovane i koji smo mi učestvovali u donošenju i usvajanju dnevnog reda. Pitamo se sutra , pitamo se sutra ko će biti sutra na redu od koje političke partije, ako nećemo biti istomišljenici onoga koji nas predvodi.

### Predsjedavajući OV Zdravko Marošević:

- Zahvaljujem. Molim vas, molim vas dozvolite mi samo kao predsjedavajućem Vijeća da malo pokušam riješiti ovu situaciju i evo kao prvo molim vijećnike BPS-a da ne napuštaju sjednicu. Ali reću i vama vijećnicima a i reću i predstavnicima Izvršne vlasti na čelu sa načelnikom, da smo mi davno kodeks ponašanja ovdje utvrdili. Žao mi je što je otišao predstavnik terenskog ureda OSCE-a, mislim da bi se i on začudio da danas u 2013. godini ovako razgovaramo. Ovo nije primjeren način razgovora, ovo nije za vijećničke klupe, nije bar za nas, za Vareš, možda je parlamentarnom svijetu, možda je to i normalno. Načelniče, ja Vas zaista molim i Vas i Vaše pomoćnike i svi koji zastupaju Izvršnu vlast, svaki vijećnik je ovdje dobio mandat naroda da ga zastupa da iznosi svoje mišljenje, da usmjerava, donosi odluke, donosi rješenja za Izvršnu vlast u kom će se pravcu kretati. To je normalno da u svako vrijeme ne odgovara Vama, ali se to mora poštovat. Napad i vrijeđanje bilo koga vijećnika je napad na sve vijećnike. To je samo ... Demo je u pravu, pitanje je ko će sutra biti slijedeći. Mi ne možemo na taj način ovakvu situaciju gledati, znači, bojim se da sutra može doći do, da drugi vijećnici pođu za primjerom BPS-a i ono što, ako ćete me uvažavati kao čovjeka koji ovdje već dva mandata sjedi, čovjeka koji ima dovoljno godina. Načelniče ko i u sportu, i gubi se i dobija. Mislim da Vam fali nešto da prihvatite da neko Vas mora i kritikovati: Ima tu mnogo toga dobrog, ali nikad u životu mi nismo idealni, ima i grešaka, i to vijećnici imaju mandat da Vas upozoravaju. Znači imaju mandat, ne iz zle namjere već čisto, možda Vama olakšava, Vašoj Službi, Vama svima drugima, možda usmjerava tokove. Znači to je samo stvar razumijevanja bez osobnih animoziteta. Svi se mi volimo malo više neko manje, neko je s nekim dobar, neko s nekim nije. Ja imam vijećnika koji nisu iz HDZ-a, njih možda više volim i cijenim nego možda svog iz HDZ-a. To je, to je osobna stvar, ali za klupama mi moramo biti realni, realni šta je uloga Vijeća, šta je uloga, uloga Izvršne vlasti. Tako da zaista nisam kriv za ovu situaciju, ja fizički ne mogu nikoga zaustaviti, mogu upozoriti na ove stvari, na dokumente koje smo mi donijeli i molim BPS da promijeni odluku da ne napušta radi Vijeća, radi našeg ugleda, jer vjerovatno ćemo još mnogo, mnogo odluka trebati donositi zajednički u jednom glasu, u jednom sve, i mislim da to nije dobro da se na ovaj način razilazimo i mislim evo da ćete to vi sami između sebe na jedan način izglediti ako imate tog dostignutog civilizacijskog. Ne treba biti ljut, makar mi iz ovakve male zajednice koji svaki dan jedni pored drugog prolazimo. I zbog čega da ne možemo doći u ured, da ne možemo jedan drugom doći, ne znam čemu vodi. Evo to sam htio reći, jer osjećam se najodgovornijim da ovo moram, ako mislimo raditi kao ljudi. Ima li još neko po pitanju Izvješća o proračunu. Koliko vidim da nema, da ste se svi zadovoljili sa ovim iscrpnim i evo dozvolite mi a ispravite me ako nisam, a mislim da jedina mimo ove primjedbe što su rekli ukoliko ćete vi uvažiti, ima vremena do rebalansa ima vremena do usvajanja konačnog Izvješća, a mislim da ovaj zaključak, ovaj zaključak koji je Komisija sama dala i kojoj prisustvuje gospodin Đemo Kevrić, znači kao član Komisije, je vrlo bitan njihov, jedino ako može malo šefe finansija da pojasnite, radi drugih, ne radi mene jer u razgovoru u pauzama i prije sjednice nije svima jasno ovaj odgovor Poreske uprave, jel' to nešto što je zakonski, mora biti ili ne mora, da samo ako možete kratko objašnjenje da čisto radi, evo, jer mi nismo u finansijama i možda to ne znamo šta znači, znači da se dobije odgovor od Porezne.

### Pomoćnik načelnika Zihinja Krnjić:

- Prihodi su ostvareni u iznosu u kojem su i ostvareni. Rashodi, rashodi su znači za taj period, troškovi su urađeni odnosno obračunati i nastali su u tom periodu. Ostvareni su prihodi veći nego što su rashodi u datom periodu. Stvar je politike prevashodno Izvršne a naravno i Zakonodavne vlasti gdje će prihodi biti preusmjereni. Stvar je slijedeća, treba da znate prvo mi imamo neizmirenih obaveza po osnovu doprinosa penzionog i zdravstvenog osiguranja iz prethodnog perioda. Vodi se prepiska između Porezne i Općine Vareš vezano za odgođeno plaćanje, znači da se postigne određeni sporazum o odgođenom plaćanju. U datom trenutku nismo, nismo u mogućnosti da izmirimo obaveze koje su nastale u nekom prethodnom



periodu. Ostvareni su prihodi u ovom periodu po osnovu privatizacije, odnosno prodaje i davanjem koncesije za Rudnik olova, cinka i barita, ostvareni su prihodi i navedeni su po osnovu koncesije po osnovu prodaje. Stvar je u tome slijedeća, znači mi smo, mi smo znači mogli jedan, jedan dio da uplatimo Poreskoj, odnosno prema fondovima penzionom, zdravstvenom i vezano za nezaposlenost, mogli smo da, stvar je u tome, vi kada uplatite, oni obračunavaju to, skidaju kamate, znači, da smo uplatili prvo skidaju kamate jer su zatezne kamate već narasle, pošto je nekih šest, šest sedam godina od tog perioda, kamate. Stvar je u tome, znači da se donese rješenje i da se pokuša u nekom narednom periodu da se umanje kamate za onaj dio, jer se desilo jedne prilike da su uplaćena 200.000 za te poreze i doprinose. Šta su oni uradili u Poreskoj, oni su u Poreskoj uradili, znači 200.000 su umanjili kamate, nisu u obavezi po osnovu penzionog i zdravstvenog osiguranja. Da se to ne bi ponovo dešavalo, jednostavno čeka se rješenje po osnovu, znači, zakona koji regulišu odgođeno plaćanje, odnosno po zakonu koji funkcioniše Porezna uprava Federacije Bosne i Hercegovine. Kad je u pitanju rebalans, mi direktno ne trebamo nikakvu tražiti saglasnost od, svima je to poznato, kada ćemo raditi rebalans. Stvar je u slijedećem, kada smo planirali prihode i vidjeli ste koliko su prihodi ostvareni više nego su planirani, stvar je situacije, vi dobijete određene podatke od ekonomskog vijeća koje planira prihode po osnovu indirektnih poreza, po osnovu neporeznih prihoda. Znači, po osnovu prihoda prikupljenih iz prethodnih godina, međutim stvar je plana, plan se znači može mijenjati, može se ispuniti, može se ne ispuniti. Može se raditi rebalans svaki mjesec, ovo što su govorili prethodnici, svaki mjesec može se uraditi rebalans što ne znači da, može se uraditi jedanput, dva, tri ili više puta, može se uraditi rebalans nije sporno, da. Stvar je u tome praktičnosti sva..., mi ćemo imati Izvještaj devetomjesečni, imali smo evo sada šestomjesečni. Neovisno od rebalansa, znači vi možete glasati ili ne za ovaj Izvještaj, znači nema nikakvih uslova da mi čekamo od Porezne nekakvu saglasnost da li ćemo mi raditi rebalans ili nećemo. Znači što se tiče rebalansa, meni koliko je poznato, nema, znači mi radimo rebalans, mijenjamo planove, mi smo planove postavili na početku godine, vi ste usvojili taj budžet, plan, to je plan, znači može da se prekorači ili da se ne izvrši u tom planiranom iznosu. I on se može, može se vršiti određene korekcije. A treba da vam bude jasno, znači, ukoliko nastavimo i u rebalansu, mnogi očekuju da će se povećavati određene stavke. Stvar je slijedeća, porezi, prihodi od poreza su podbacili i naredne godine Općinsko vijeće izvršni organ Općine, ne može uticati na promjenu poreske politike, znači ne donosi Općinsko vijeće, ne donosi izvršni organ Općine zakone po osnovu kojih se ubiru, znači porezi. Situacija je slijedeća, znači da se u narednom periodu očekuje smanjenje poreznih prihoda, smanjenje, neporezni prihodi, znači određene naknade i u narednom periodu, nemamo mogućnosti da povećamo znači da uvodimo nove naknade, jel jednostavno nema, nema mogućnosti. Ono što, što treba da znaju vijećnici, treba da zna, znači i ovaj Izvršni organ, uposlenici treba, jedina mogućnost je smanjenje rashoda. Ono što je rekao, govorio Načelnik, to je stvarno bolno i dešavat će se u nekom narednom periodu, al' je bolno, znači sve dok se ne.. ja ovo govorim znači iskreno dok se ne smanji broj uposlenih, znači onih koje mi finansiramo, jednostavno i svih nekih naknada, to znaju ekonomisti iz naknada mi trebamo da plaćamo i neke obaveze i nemojte, znači očekivat, to je moj neki stav, nemojte očekivati da ćemo povećavati rashode, molim vas, nemojte tražiti od Načelnika, nemojte tražiti od Službi da se povećavaju, nemojte da idemo u nove obaveze, nove deficite. Znači šta ćemo uraditi, na kraju nećemo moći ništa, nećemo jednostavno, doći ćemo u situaciju da će nam blokirati račune. Dolaze sudska izvršenja, šta treba da uradimo, da blokiramo račune. Treba da bude svima jasno, jednostavno znači da se pokuša da se štedi na svim mogućim stavkama ukoliko je to moguće. Prihodi, znači do kraja ove godine i naredne godine po svim projekcijama svih relevantnih organa, neće se povećavati nego će se smanjivati, znači ako slušate ljude koji su od struke, ja, ja vas molim i u rebalansu nemojte očekivati i u prijedlogu za narednu godinu da očekujete da ćemo povećavati određene stavke. Stvarnost je takva da ćemo najvjerojatnije moći, morat reducirati određene rashode. Jako je teško, male su mogućnosti manevra, jednostavno, nije jednostavno. Ali molim vas da podržite Načelnika i ove ljude koji rade na izradama ovih izvještajima, planovima. Situacija nije baš najbolja, ali

što se tiče poreza da završim. Što se tiče porezne , porezna jednostavno nema upliva u to, znači da mi moramo tražiti od njih hoćemo li mi radit rebalans, hoćemo li mi plan povećavati, smanjivat, ne znam, određene stavke, jednostavno to nema, nema potrebe za tim. Ja sam toliko...

Predsjedavajući OV Zdravko Marošević:

- Zahvaljujem šefu finansija. Pitanje je bilo moje jasno, ovaj, Vi ste ga proširili, trebalo je bit to na početku, možda prije rasprave... i kaže ovako... Općinsko vijeće treba da obaveže Načelnika za izradu rebalansa proračuna čim dobije odgovor od Porezne uprave Federacije Bosne i Hercegovine. To piše u zaključku Komisije, a ovdje kaže, pored članova Komisije, prisutan sekretar Općinskog vijeća Leon Pavlović i ispred Službe za privredu i finansije gospodin Senaid Mahmutović. E ovo ste, što ste nam rekli, to ste trebali reći tada na Komisiji da oni ne prave zaključak koji nema nikakav efekat, jel'. Zašto ga stavljati u zaključak i predočiti vijećnicima i mi se dvoumiti šta je to porezna neporezna a vi bili prisutni na toj Komisiji. Očito da Vi na Komisiji niste uopće slušali članove Komisije, o čem razgovaraju i o čemu donose zaključke, jer ste ih Vi trebali kao predstavnik Službe upozoriti da takav zaključak ne može ići. To sam ja mislio da se kaže i evo sad nam je jasno, znači ovdje križajte zadnju, zadnji zaključak Komisije, i treba predsjedniku Komisije reći da drugi puta svoje zaključke provjeri dobro da li su oni u skladu s ovim što oni donose. Ako nema više, znači ovdje, ovo što je Mario Mirčić govorio, znači da, i mislim da je ovo jedan objektivni zaključak koji treba od strane Komisije da ga mi prihvatimo uz usvajanje ovoga Izvještaja, jel' ko ga usvoji. Ovaj pretposljednji, znači sredstva koja su dobivena kao izvanredni prihodi trebala bi da se koriste sukladno zakonskim obvezama utrošena na stvaranje novih prihoda ili izmirenje dospjelih obaveza a ne za tekuća poslovanja, ukoliko je to moguće. Svjesni smo mi toga da kad se troše pare, a na sve strane treba zatvoriti rupe. Ali evo, to je ono nešto što je zakonski i mislimo da bi u ovo trebao ući upravo i onaj prijedlog koji je govorio, ovaj, predsjednik Kluba Hrvatske koalicije, da na osnovu i prošlog rebalansa i ovih sredstava koja su osigurana u budžet i da bi trebalo biti kroz rebalans predviđeno područje Daštanskog, Višnjića i gore te Vrhovine gdje na osnovu tih privrednih subjekata najviše i nastala šteta, mislim da ima tih nekih sitnih projekata i da se gore može ljudima adekvatno iz ovih sredstava i na osnovu dobrog napravljenog rebalansa budžeta može se, ovaj, to njima ostvariti. Ustvari, to je naša obaveza. Mislim da smo o tome razgovarati, odmah po saznanju dobivenih sredstava i da je to Načelnik sam obećao da će tako biti i ne mislim uopće da ne misli, možda više da nije se stiglo, il se nije moglo. Ali evo to bi trebalo biti, evo jedna sugestija, evo što ne dadnem na usvajanje ovog rješenja o izvršenju, izvršenju proračuna za 2013. godinu, znači za period januar juni. Imal još neko, da zaključi raspravu, gospodin Načelnik.

Općinski načelnik Kovačević Avdija:

- Gospodine predsjedavajući, ja ne mogu prihvatiti te zaključke...

Predsjedavajući OV Zdravko Marošević:

- Molim, nisam razumio.

Općinski načelnik Kovačević Avdija:

- ... ja ne mogu prihvatiti te zaključke. Ja jedino mogu prihvatiti zaključak ili se prihvata Izvještaj u integralnom obliku ili da se, ili da odbaci, ove zaključke koje ste Vi naveli. Da bi mi došli do njih i da bi kompletnu hronologiju, hronologiju i obrazloženje za svaki od tih navedenih zaključaka koji je tu eventualno postavljen kao problem, morali bi se vratiti u 2002. godinu i taksativno svaku stavku po stavku i u prihodovnoj i u rashodovnoj strani obrazložiti. Po tim uvjetima, dakle, ukoliko želite da se vratimo u 2002. godinu i od 2002. godine da svaku nastalu dubiozu, neizvršenu obavezu, sa kvalitetnim obrazloženjem uradimo u sklopu ovog rebalansa plana, onda mogu prihvatiti usvajanje Izvještaja. Sa ovim što ste

predložili, ja naprosto u ime Jedinственog općinskog organa ne mogu, ne mogu prihvatit ove prijedloge zaključaka. Jedino mogu prihvatiti zaključak, ili da se prijedlog prihvati ili da se odbaci, ili da se prolongira. Meni je sasvim svejedno. Ukoliko ga, ukoliko ga ne prihvatite, ja predlažem da donesete odluku većinom članova Općinskog vijeća da se pokrene procedura opoziva Općinskog načelnika.

Predsjedavajući OV Zdravko Marošević:

- Zahvaljujem Načelniku. Sada samo da malo razjasnim ovdje. Mislim da je, ovaj, opet pogrešna interpretacija. Kaže, Komisija je tako rekla:, sredstva koja su dobivena kao izvanredni prihodi trebala se koristiti sukladno zakonskim obavezama. I onda vas navode da se utroše u prihode. Ali ovo je bitno sukladno zakonskim, ovaj, ja ne vidim mogućnost da Vijeće, ja ne kažem da to što Vi Načelnice govorite da je to realnost, al' mi, mi kao Vijeće ne smijemo donositi suprotne zakonske odluke. Znači, jel' to logično da Vijeće kaže da se sredstva troše u zakonskim okvirima. Znači, to je nešto što je normalno. Ajmo navesti u nezakonskim, evo da sada donesemo, donesemo takvu odluku, znaš, onda, više ne treba nam ni sud, onda, će nam to svako obori znači sredstva koja su dobivena kao izvanredni prihodi trebala bi da se koriste sukladno zakonskim obavezama. A mi jesmo ti koji donosimo u skladu zakonu i našeg Statuta i zakona i Kantona i Federaciji, na kraju države zavisi i koja nam je materija. Ja ne vidim načina kako bi mi drugačije i Komisije ovo nije slučajno, jer i ona ima obavezu zakonsku, nije slučajno stavila ovakav, ovakvu točku, ovaj u zaključcima da mi to. Jednostavno se, ne znam drugačije kako može eto i ako vi vijećnici mislite da može drugačije, mi ajmo stavit nekako drugačije, ne znam i da kažem ovo što je Komisija rekla, da to mi ne moramo raditi po zakonu. Gospodin Mario Mirčić.

Vijećnik Mario Mirčić:

- Ja koliko sam mogao razumjet Načelnika nisu sporni zaključci ove koje je Komisija donijela, nego više ono drugi dio sugestije za planiranje nekih sredstava u izradi rebalansa. Jer ono je više bilo u formi sugestije šta bi trebalo pokušat uradit u rebalansu ako je moguće. A da ovi zaključci Komisije nisu uopće sporni...

Predsjedavajući OV Zdravko Marošević:

- Ustvari samo je jedan...

Vijećnik Mario Mirčić:

- ... pogotovo kad su, ovaj završni za koji smo rekli da se križa koji se odnosi na ovaj odgovor Poreske uprave, nije ništa sporno u ovim zaključcima. Mislim da je to sasvim korektno.

Predsjedavajući OV Zdravko Marošević:

- Pa i ja ne vidim, u tom i jest problem, ja ne vidim ovdje ništa da je, a ovo što smo rekli posljednje, upravo su rekli da se kroz rebalans pokuša vidjeti ako, bar nešto ima da se može nešto vidjeti, da se tim ljudima, ne ljudima, području tamo gore...

Vijećnik Mario Mirčić (govori iz klupe):

- Ta sugestija ne ide u formi zaključka.

Predsjedavajući OV Zdravko Marošević:

- Da tako je, mislim da bi kasnije kad budemo donosili rebalans budžeta, to ne bi imali onda naknadno neke dodatne primjedbe, rasprave ili nešto drugo. Imal' još neko od vijećnika. Gospodo draga, vijećnici, ja sam obavezan, znači ovu točku dnevnog reda Izvješće o izvršenju budžeta staviti na glasovanje uz zaključke Komisije, osim ove zadnje koje je šef financija, znači pojasnio da to je suvišno jer to ne obavezuje ove, ustvari, samo je jedna ova točka, predzadnja, znači ta sredstva koja su dobivena izvanrednim приходима trebala bi da se

koriste zakonskim obavezama i ništa drugo. I ja uz ovaj zaključak Komisije stavljam i Izvještaj na glasovanje. Ko je za da se usvoji Izvješće o izvršenju budžeta za ovaj period? Molim vas podignite ruke... dobro... nema veze. Koliko?

Sekretar OV Leon Pavlović:

- Petnaest.

Predsjedavajući OV Zdravko Marošević:

- Imal' neko protiv?

Sekretar OV Leon Pavlović:

-Jedan.

Predsjedavajući OV Zdravko Marošević:

- Suzdržani?

Sekretar OV Leon Pavlović:

- Tri.

Predsjedavajući OV Zdravko Marošević:

- Konstatiram da je Izvješće uz ovaj Zaključak Komisije prihvaćen.

Prelazimo na desetu točku dnevnog reda.....

**PREDSJEDAVAJUĆI**

**Zdravko Marošević**